

TARIKH	14 / 11 / 2013	MUKASURAT	44
HARI	KHAMIS	RUANGAN	SETEMPAT

Pasir Mas: Dua beradik yang mengalami masalah mental bukan saja dihipit kemiskinan malah terpaksa hidup dalam kegelapan kerana tiada bekalan elektrik sejak tinggal di rumah mereka di Kampung Jintan, Chetok, di sini, 20 tahun lalu.

Isa Safian, 55, dan adiknya, Osman, 50, tinggal bersama selepas ibu bapa mereka meninggal dunia dan mereka pernah bekerja di Singapura sebagai buruh kasar ketika berusia awal 20-an sebelum pulang ke kampung halaman dan mula mengalami masalah mental sejak berusia 30-an.

Isa pernah berkahwin dan

20 tahun hidup dalam gelap

mempunyai tiga anak, tetapi bercerai dengan isterinya akibat tekanan perasaan sebelum adiknya yang tidak berkahwin mengalami masalah sama.

Menurut Isa, selain hidup dalam kegelapan, rumah mereka berbau busuk serta terpaksa tidur beralaskan papan.

"Kami tinggal di sini selepas rumah asal milik arwah ibu dan ayah terbakar. Sepanjang malam kami duduk di rumah bertemankan cahaya lilin.

"Kami tinggal di sini kerana adik-beradik yang lain sudah berkeluarga. Kadangkala anak saya yang berusia antara 18 hingga 20 tahun masing-masing menetap di Pasir Mas, Johor dan Kuala Lumpur ada datang menenguk saya, manakala bekas isteri sudah berkahwin lain," katanya ketika ditemui di rumahnya, baru-baru ini.

Menurut Isa, dia dan adiknya perlu memakan ubat dibekalkan pihak hospital tepat pada masanya untuk menjalani kehidupan normal.

"Walaupun saya dan adik mengalami masalah mental, kami tidak pernah mengganggu penduduk kampung. Kehidupan seharian kami banyak dihabiskan di dalam rumah.

"Wakil pihak hospital akan datang ke rumah sebulan sekali untuk membuat pemeriksaan kesihatan serta memberi bekalan ubat kepada kami," katanya.

Isa berkata, mereka menerima bantuan daripada Jabatan Kebajikan Masyarakat (JKM) sebanyak RM120 sebulan.



ISA (kiri) bersama Osman di rumah mereka di Kampung Jintan, Chetok.